
Well kümmern Eier un Golgatha?

IN D' LUUR

Karin Böhmer

redaktion@on-online.de



Sünd dat nu Fierdagen of Fүүrdagen? In de lesde Maanten gung't meest um't Paaskefüür. Well kümmern Eier un Golgatha, wenn en sien Tackeree wegen Corona nich losworden kann? Lest Johr wuur in Oktober napaasket. Noch mit Rietstick in d' Hand wussen de Lüü nich, of se't in Lunner setten dürsen. De Saak leeg vör Gericht. De Justiz hett mit de Branneree ditmaal aver nix to doon. Man in Hannover sünd se verbaast över de arige Nüten van de Oostfresen. „Nix word't mit't Paasken“ wuur d'r erst seggt – daar komen to völ Lüü. En paar Gemeenten hebben dat glieks verboden. Man de annern wullen brannen. De Oostfresen hebben de Regeren eets verkloofiedelt, dat en Bruukdomsfüür „mit Öffentlichkeitscharakter“, as dat anners immer heten hett, ok woll maal mit blot een Uppasser en reellen Paaskefüür wesen kann. Halleluja, he is weer upstahn – de Branndag.